

**ს ე ლ შ ე პ რ უ ლ ე ბ ა
სახელმწიფო შესყიდვის შესახებ
№გ. შ.გ.ა.ნ.515/1**

22.10.2014წ.

ქ. თბილისი

შპს „სახელმწიფო სამშენებლო კომპანია“ (შემდგომში „შემსყიდველი“) ერთის მხრივ, წარმოდგენილი მისი დირექტორის ითხებ ოზაშვილის სახით და შპს „ტერმინალი“ (შემდგომში „მიმწოდებელი“), მეორეს მხრივ, წარმოდგენილი მისი დირექტორის შაქრო კვაშილავას სახით, სახელმწიფო შესყიდვის შესახებ” საქართველოს კანონის მე-10¹ მუხლის მე-3 პუნქტის “ღ” ქვეუნქტისა და საქართველოს მთავრობის 2014 წლის 27 აგვისტოს №515 დადგენილების საფუძვლზე ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1. ხელშეკრულების საგანს წარმოადგენს მიმწოდებლის მიერ ზუგდიდის მუნიციპალიტეტის სოფ. რუხში მრავალპროფილიანი საუნივერსიტეტო კლინიკის წყალმომარაგების მიზნით მიწისქვეშა სამიებლო არტეზიული ჭაბურლილი მოწყობის სამუშაოების განხორციელება - შემდგომში სამუშაო (CPV - 45262200).

1.2. ხელშეკრულებით გათვალისწინებული სამუშაოების საორიენტაციო მოცულობა, ერთეულის ფასი და საერთო ფასი მოცემულია დანართში №1, რომელიც ამ ხელშეკრულების განუყოფელ ნაწილს წარმოადგენს.

მუხლი 2. ხელშეკრულების ღირებულება და ანგარიშსწორების წესი

2.1. ხელშეკრულების საორიენტაციო ჯამური ღირებულება საქართველოს კანონმდებლობით გათვალისწინებული დამატებული ღირებულების გადასახადის გათვალისწინებით შეადგენს 42034.45 (ორმოცდაორიათას ოცდაოთხმეტი ლარი და 45 თერი) ლარს.

2.2. მიმწოდებელი ვალდებულია საანგარიშსწორები ღოკუმენტაცია წარუდგინოს შემსყიდველს „სამშენებლო სამუშაოების სახელმწიფო შესყიდვისას ზედნაგები ხარჯებისა და გეგმური მიზების განსაზღვრის წესის დამტკიცების შესახებ“ საქართველოს ეკონომიკისა და მდგრადი განვითარების მინისტრის 12.07.2012 წლის №1-1/1463 ბრძანებით განსაზღვრული წესის შესაბამისად.

2.3. შემსყიდველი ანგარიშსწორებას ახორციელებს მიმწოდებლის მიერ ფაქტიურად შესრულებული სამუშაოების ღირებულების ანგარიშ-ფაქტურის წარდგენიდან 14 საბაკო დღის განმავლობაში. მიმწოდებელი უფლებამოსილია შემსყიდველს წარუდგინოს ანგარიშ-ფაქტურა მხოლოდ ამ ხელშეკრულების მე-4 მუხლის 4.2. პუნქტში აღნიშნული მიღება-ჩაბარების აქტის გაფორმების შემდგომ.

2.4. ხელშეკრულების 2.3. პუნქტის შესაბამისად ანაზღაურებას ექვემდებარება მხოლოდ შესაბამის ეტაპზე ასანაზღაურებლად წარდგენილი შესრულების 80%, ხოლო საბოლოო ანგარიშსწორება განხორციელდება 4.4. პუნქტის შესაბამისად საბოლოო მიღება-ჩაბარების აქტის გაფორმებიდან 30 (ოცდათი) დღის განმავლობაში. დასკვნის შესყიდვის ვალდებულება უკისრება შემსყიდველს.

2.5. აუცილებლობის (საჭიროების) შემთხვევაში, მიმწოდებელს შეუძლია შემსყიდველს წარუდგინოს წერილობითი თხოვნა ავანსის გაცემასთან დაკავშირებით.

2.6. მოუხედავად შესაბამისი წერილობითი თხოვნისა, შემსყიდველი უფლებამოსილია არ დააკმაყოფილოს თხოვნა ავანსის გაცემის თაობაზე.

2.7. მიმწოდებელზე გასაცემი საავანსო თანხა განისაზღვრება ხელშეკრულების ჯამური ღირებულების არაუმეტეს 40%-ის ოდენობით. აღნიშნული თანხა მიმწოდებლის მიერ გამოყენებული იქნება მხოლოდ ამ ხელშეკრულებით გათვალისწინებული სამუშაოების განხორციელების მიზნით.

2.8. შემსყიდველის მიერ ავანსის გაცემასთან დაკავშირებით დადებითი გადაწყვეტილების მიღების შემთხვევაში, მიმწოდებელი ვალდებულია წარუდგინოს შემსყიდველს ბანკის ან ლიცენზირებული სადაზღვევო კომპანიის მიერ გაცემული გასაცემი ავანსის იღენობის უპირობო საბაკო გარანტია, რომელიც ძალაში უნდა იყოს ავანსის სრულ დაჭითამდე. ავანსის გათვალისწინებული თანხის გადარიცხვა იწარმოებს უნაღდო ანგარიშსწორების ფორმით, საბაკო გარანტიის წარმოდგენიდან 10 (ათ) სამუშაო დღის განმავლობაში.

2.9. ავანსად გაცემული თანხის დაკავება განხორციელდება 2.3. პუნქტის შესაბამისად შესრულებული სამუშაოების ანაზღაურებისას, შესრულებული სამუშაოების პროპორციულად.

2.10. იმ შემთხვევაში თუ ავანსის სრულად დაქვითვა ვერ განხორციელდება ხელშეკრულების 2.9 პუნქტით გათვალისწინებული წესით, ავანსის თანხის დარჩნილი ნაწილის სრულად დაქვითვა განხორციელდება საბოლოო ანგარიშსწორებისას.

2.11. მხარეები ანგარიშსწორებას ახორციელებენ ამ ხელშეკრულებით გათვალისწინებულ რეკვიზიტებზე, უნაღდო ანგარიშსწორების ფორმით.

2.12. იმ შემთხვევაში, თუ განსაზღვრული გარემოებების გამო მიმწოდებლის მიერ შესრულებული სამუშაოების ღირებულებამ არ შეადგინა ამ ხელშეკრულებით გათვალისწინებული თანხა, შემსყიდველი აუნაზღაურებს მიმწოდებელს მის მიერ ფაქტიურად შესრულებული სამუშაოს ღირებულებას ამ ხელშეკრულებით განსაზღვრული პირობების შესაბამისად. აღნიშნულიდან გამომდინარე მიმწოდებელს არ უნდა გააჩნდეს პრეტენზია სამუშაოთა აუთვისებელ მოცულობების შესრულებაზე და მის გადახდაზე.

2.13. შესრულებული სამუშაოს სრულფასოვანი ფუნქციონირებისათვის საგარანტიო ვადა შეადგენს 30 (ოცდათი) თვეს, რომელიც აითვლება ხელშეკრულების 4.4. პუნქტის შესაბამისად სამუშაოების საბოლოო მიღება-ჩაბარების აქტის გაფორმებიდან;

2.14. საგარანტიო ვადის განმავლობაში მიმწოდებელი ვალდებულია საკუთარი ზარჯებით უზრუნველყოს ექსპლუატაციის პროცესში წარმოქმნილი ხარვეზების აღმოფხვრა.

2.15. იმ შემთხვევაში თუ სხვადასხვა მიზეზების გამო მიმწოდებელი ვერ უზრუნველყოფს ან უარს განაცხადებს დეფექტების აღმოფხვრასთან დაკავშირებით, შემსყიდველი შეაფასებს დეფექტების აღმოფხვრის ხარჯს და შემსყიდველი დამატებით დააკისრებს მიმწოდებელს ზემოაღნიშნული ზარჯს, საქართველოს კანონმდებლობით დადგენილი წესით.

მუხლი 3. სამუშაოს შესაბამისობა

3.1. ხელშეკრულების პირველი მუხლით გათვალისწინებული შესასყიდი სამუშაოები უნდა შეესაბამებოდეს მსგავსი სამუშაოებისათვის უკვე არსებულ სტანდარტებსა და შემსყიდველი ორგანიზაციის მოთხოვნებს.

3.2. 3.1. პუნქტში აღნიშნული წესებიდან და ნორმებიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს სამუშაო ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

მუხლი 4. სამუშაოს მოღამა-ჩაბარების წესი

4.1. სამუშაოს მიღება ხორციელდება ამ ხელშეკრულების 1.1. პუნქტში აღნიშნულ ადგილზე.

4.2. შესრულებული სამუშაოების მიღება-ჩაბარება განხორციელდება ეტაპობრივად მიმწოდებლის მიერ შევსებული და მხარეების მიერ ხელმოწერილი მიღება-ჩაბარების აქტის (ფაქტიურად შესრულებული სამუშაოების აქტი - ფორმა №2) საფუძველზე.

4.3. მიმწოდებელი ვალდებულია ფაქტიურად შესრულებული სამუშაოების აქტი - ფორმა №2 და ფაქტიური დანახარჯების დამადასტურებელი სრული დოკუმენტაცია წარუდგინოს შემსყიდველს „სამშენებლო სამუშაოების სახელმწიფო შესყიდვისას ზედნადები ხარჯებისა და გეგმიური მოგების განსაზღვრის წესის დამტკიცების შესახებ“ საქართველოს ეკონომიკისა და მდგრადი განვითარების მინისტრის 12.07.2012 წლის №1-1/1463 ბრძანებით განსაზღვრული წესის შესაბამისად.

4.4. საბოლოო მიღება-ჩაბარება განხორციელდება სსიპ „ლევან სამხარაულის სახელობის ექსპერტიზის ეროვნული ბიურო“-ს მიერ ფაქტიურად შესრულებული სამუშაოების მოცულობებზე და ღირებულებებზე გაცემული დასკვნის საფუძველზე მხარეებს შორის გაფორმებული საბოლოო მიღება-ჩაბარების აქტის საფუძველზე.

მუხლი 5. მხარეთა უფლება-მოვალეობანი

5.1. მიმწოდებლი ვალდებულია:

ა) სამუშაოს შესრულების პროცესში იხელმძღვანელოს ამ ხელშეკრულების 3.1. პუნქტში გათვალისწინებული წესებითა და პირობებით;

ბ) საკუთარი ხარჯებით უზრუნველყოს ამ ხელშეკრულებით გათვალისწინებული ინსპექტირების შედეგად გამოვლენილი ყველა დეფექტის ან ნაკლის აღმოფხვრა;

გ) სამუშაოების შესრულებაში მონაწილე საინჟინრო-ტექნიკური პერსონალისა და მუშა-მოსამსახურების შემადგენლობის არანაკლებ 70 პროცენტი დაკომპლექტოს საქართველოს მოქალაქეებით;

დ) ხელშეკრულებით გათვალისწინებული სამუშაოები განხორციელოს 22.10.2014-12.12.2014 წ. პერიოდის განმავლობაში;

ე) შემსყიდველს უმოკლეს ვადაში აცნობოს მისი ორგანიზაციის მოსალოდნელი რეორგანიზაციის ან ლიკვიდაციის შესახებ;

5.2. შემსყიდველის ვალდებულია:

ა) აწარმოოს ინსპექტირება საამისოდ შერჩეულ პირებთან ერთად სამუშაოს მიმდინარეობაზე, თანახმად მოქმედი სამშენებლო ნორმების და წესებისა, რომელთა დარღვევის შემთხვევაში იგი უფლებამოსილია შეაჩეროს სამუშაოები;

ბ) შეუფერხებლად აუნაზღაუროს მიმწოდებელს შესრულებული სამუშაოს ღირებულება ამ ხელშეკრულებით გათვალისწინებული ვაღების შესაბამისად;

მუხლი 6. ფორს-მაჟორი

6.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ ვალდებულებების შეუსრულებლობა გამოწვეულია დაუძლეველი ძალის (სტიქიური უბედურება, ეპიდემია, ომი, საზოგადოებრივი არეულობა და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება მოვლენებს, რომლის წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

6.2. მხარე, რომელსაც მიზეზად დაუძლეველი ძალის მოვლენები მოჰყავს, ვალდებულია დაუყოვნებლივ აცნობოს მეორე მხარეს წერილობით ასეთი მოვლენების დადგომის თაობაზე. ამასთან, მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამაღასტურებელი დოკუმენტი, რომ ამ მოვლენამ არსებითად ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

მუხლი 7. პასუხისმგებლობა

7.1. სამუშაოების დასრულების დადგნილი ვადის გადაცილებისათვის შემსყიდველი უფლებამოსილია მიმწოდებელს დააკისროს პირგასამტებლოს სახით დარჩენილი სამუშაოების ღირებულების 0.5% ყოველ ვადაგადაცილებულ დღეზე. მაქსიმალური საჯარიმო თანხა სამუშაოების დასრულების დადგნილი ვადის გადაცილებისათვის არ უნდა აღემატებოდეს კონტრაქტის საერთო ფასის 10%-ს.

7.2. ანგარიშწორების დადგნილი ვადის გადაცილებისათვის მიმწოდებელი უფლებამოსილია შემსყიდველს დააკისროს პირგასამტებლო ყოველ ვადაგადაცილებულ დღეზე გადასახდელი თანხის 0.5% ოდენობით. მაქსიმალური საჯარიმო თანხა ანგარიშწორების დადგნილი ვადის გადაცილებისათვის არ უნდა აღემატებოდეს კონტრაქტის საერთო ფასის 10%-ს.

7.3. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

მუხლი 8. ინსპექტირება

8.1. ამ ხელშეკრულების მოქმედების პერიოდში შემსყიდველი უფლებამოსილია ნებისმიერ დროს განახორციელოს სამუშაოს ხარისხის ინსპექტირება.

მუხლი 9. სხვა პირობები

9.1. ხელშეკრულება ძალაში შედის მხარეთა მიერ მისი ხელმოწერისთანავე და მოქმედებს 2015 წლის 12 იანვრის ჩათვლით.

9.2. შემსყიდველი უფლებამოსილია ვადამდე ცალმხრივად შეწყვიტოს ამ ხელშეკრულების მოქმედება, თუ:

- ა) მიმწოდებელი არღვევს ამ ხელშეკრულების პირობებს (არ ასრულებს ან არავეროვნად ასრულებს);
- ბ) მიმწოდებლის მიმართ მიმდინარეობს გაკოტრების საქმე (მიუხედავად მისი დაწყების დროისა);
- გ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას აზღენს ან შესაძლებელია მოახდინოს ხელშეკრულების ჯეროვან შესრულებაზე.

დ) მიმწოდებლის ქონებას დაედო ყადაღა.

ე) მიმწოდებელი ვერ უზრუნველყოფს ხელშეკრულებით ნაკისრი ვალდებულებების დროულ შესრულებას;

9.3. ნებისმიერი ცვლილება და დამატება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე.

9.4. იმ შემთხვევაში, თუ სამუშაოს შესრულების დროს ამ ხელშეკრულების ღირებულებისა და ანგარიშწორებიდან გამომდინარე, ან რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის ფასების გადასინჯვის შესაძლებლობა, ასეთი ცვლილებები დასაშვებია წინამდებარე ხელშეკრულების საერთო შინაარსის ფარგლებში და ცვლილებების შეტანის ინიციატორი მხარე ვალდებულია წერილობით შეატყობინოს მეორე მხარეს შესაბამისი დასაბუთებული ინფორმაცია.

9.5. ნებისმიერი ცვლილება, რომელსაც მოჰყვება ზელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

9.6. წინამდებარე ზელშეკრულების პირობების ნებისმიერი ცვლილება უნდა გაფორმდეს ზელშეკრულების დანართის სახით, რომელიც ჩაითვლება ზელშეკრულების განუყოფელ ნაწილად.

9.7. მხარეთა შორის წარმოშობილი სადავო საკითხები წყდება ურთიერთშეთანხმებითა და მოლაპარაკებების გზით; იმ შემთხვევაში, თუ შეთანხმება არ იქნება მიღწეული დავა გადაწყდება სასამართლოს მეშვეობით საქართველოს კანონმდებლობის შესაბამისად.

მუხლი 10. მხარეთა რეკვიზიტები და ზელმოწერები

„შემსყიდველი“

შპს „სახელმწიფო სამშენებლო კომპანია“

მისამართი: ქ. თბილისი, ღ. ჩხეიძის №10
ა/კ: 205140257

ბანკი: ს.ს. „თიბისი ბანკი“ –

კოდი: TBCBGE22

ა/ა: GE17TB1100000360200175



იმსებ

ოზაშვილი

„მიმწოდებელი“

შპს „ტერმინალი“

მისამართი: ზუგდიდი, ც. დაღიანის ქ №1
ა/კ 220004616

ბანკი: ს.ს. „საქართველოს ბანკი“ –

კოდი: BAGAGE22

ა/ა: GE13BG0000000118495000

აგალიშვილი ვ. ქაფა

